



Broj: 07-04-53807-1/23
Sarajevo, 23.01.2024. godine

SKUPŠTINA KANTONA SARAJEVO
Služba za skupštinske poslove

PREDMET: Odgovor na zastupničku inicijativu,-

Zastupnik Mahir Dević je na 13. radnoj sjednici Skupštine Kantona Sarajevo održanoj dana 29.12.2023. godine, u okviru tačke dnevnog reda „Poslanička/zastupnička pitanja, inicijative i odgovori“, uputio zastupničku inicijativu:

„Shodno sve učestalijim napadima na stoku i poljoprivredna dobra od strane divljači, a obzirom na manjkavosti u kontekstu Mjera u cilju sprječavanja šteta od divljači podnosim inicijativu prema Ministarstvu privrede KS, Ministarstvu poljoprivrede, vodoprivrede i šumarstva FBiH da u skladu sa svojim nadležnostima utvrde određene izmjene i dopune zakona i mjera i iste upute u dalju proceduru.

Kroz nekoliko primjera nastale štete na poljoprivrednim dobrima, posebno na pčelinjacima izazvane napadima medvjeda pokazane su manjkavosti kod Mjera u cilju sprječavanja šteta od divljači i na divljači i Zakona o mjerama za unaprijeđenje stočarstva.

Apsurdnim i nelogičnim se čini Mjera u cilju sprječavanja štete od divljači i na divljači kroz član 7. kojim je propisano da je vlasnik dužan obezbijediti da stoku ispušta na ispašu pod kontrolom i uz stalni nadzor i obezbjeđenje čuvara gdje pojam čuvara označava svako fizičko lice. Kroz Zakon o veterinarstvu pod stokom se podrazumijevaju i pčele koje ne mogu biti tretirane kao krupna stoka i gdje je nemoguće obezbijediti fizičko lice kao čuvara.

Neophodno je da kroz određene izmjene i dopune gore navedenih zakona omogućiti ublažavanja nastale štete na poljoprivrednim dobrima, odnosno pčelinjacima od strane divljači odnosno medvjeda.“

Odgovor:

Spriječavanje i naknada štete od divljači regulisana je odgovarajućim odredbama Zakona o lovstvu (“Službene novine Federacije BiH”, br. 4/06, 8/10 i 81/14).

U tom smislu, članom 68. stav 2. Zakona o lovstvu propisano je da vlasnici zemljišta i stoke, odnosno korisnici zemljišta na kojem je osnovano lovište su dužni na zemljištu, objektima gdje stoka boravi i opremi koja se koristi u obradi zemlje preduzimati uobičajene mjere za sprečavanje šteta od divljači i na divljači.

Članom 68. stav 3. istog zakona, propisano je da navedene mjere propisuje kantonalni ministar, pa su shodno tome, donesene Mjere u cilju sprečavanja šteta od divljači i na divljači ("Službene novine Kantona Sarajevo", br. 18/07 i 20/15).

Članom 6. pomenutih mjera određeno je da se pod pojmom stoke, a u smislu Zakona o mjerama za unaprijeđenje stočarstva ("Službene novine Federacije BiH", broj 23/98) i u vezi sa Zakonom o veterinarstvu ("Službene novine Federacije BiH", broj 46/00), podrazumijevaju kopitari (konji, magarci, mazge i mule), papkari (goveda, bivoli, ovce, koze i svinje), peradi, kunići i pčele.

Sporna odredba člana 7. stav 1. tačka e) Mjere u cilju sprečavanja šteta od divljači i na divljači, a kojom je određeno da su vlasnici stoke u cilju spriječavanja pričinjavanja šteta od divljači i na divljači, dužni stoku ispuštati na ispašu pod kontrolom i uz stalni nadzor i obezbjeđenje čuvara, ne odnosi se, po logici stvari, na vlasnike pčelinjih društava. S druge strane, vlasnici pčela odnosno pčelinjih društava, u skladu sa članom 7. stav 1. tačka j) navedenih mjera, dužni su čuvati i redovno kontrolirati svoje pčelinjake, a pravo na naknadu štete nastalu od divljači ima oštećeni (vlasnik pčela) koji je preduzeo propisane mjere zaštite.

Međutim, svjesni mogućnosti da se u praksi mogu pojaviti određene dileme i nejasnoće, a u cilju izbjegavanja istih, ovo ministarstvo će u okvirima svoje nadležnosti razmotriti predloženu zastupničku inicijativu i pristupiti eventualnim izmjenama i dopunama Mjera u cilju sprečavanja šteta od divljači i na divljači.

S poštovanjem,


Zlatko Mijatović

Dostavljeno:

1. Naslovu,
2. Vladi Kantona Sarajevo,
3. Evidenciji,
4. a/a.